

Ops Halang

94 saman dikeluarkan dalam dua jam

KUALA LUMPUR: Dewan Bandaranya Kuala Lumpur (DBKL) meminta pengusaha bas supaya turun padang dan melihat sendiri gelagat pemandu bas mereka ketika di jalan raya.

Penolong Pegawai Penguat Kuasa Kanan DBKL Ashari Ahmad berkata, pengusaha bas jangan hanya duduk di dalam pejabat, tetapi perlu meninjau cara pemandu bas yang mereka upah menjalankan tugas.

"Kami tidak minta pengusaha bas sertai operasi yang dijalankan DBKL, tetapi cukup dengan mereka pergi sendiri untuk tinjau kesahihan pemandu bas," katanya kepada pemberita selepas Operasi Bersepadu Pengangkutan Awan dan Perdagangan (Ops Halang)

di sini semalam.

Ashari berkata Ops Halang siri lima itu membabitkan empat jabatan penguatkuasaan iaitu Jabatan Keselamatan dan Penguatkuasaan (JKP), Polis Diraja Malaysia (PDRM), Jabatan Pengangkutan Jalan (JPJ) dan Jabatan Imigresen.

"Sebanyak 94 saman dikeluarkan sepanjang dua jam Ops Halang ini dijalankan yang bermula jam 10.45 pagi membabitkan JKP (54 saman), PDRM (38 saman) dan JPJ (dua saman)," katanya.

Beliau berkata, Ops Halang yang membabitkan 23 pegawai dan anggota itu dijalankan di lima lokasi utama di pusat bandar iaitu Jalan Tun Tan Siew Sin, Jalan Tun H S Lee, Lebuh Pudu, Jalan Hang Kasturi dan Jalan Silang.